

上高縣志卷之一目錄

輿地志一

星野

沿革

形勝

疆域
街市墟巷附

上高縣志

卷一

目錄

上高縣志卷之一

知縣事廣德劉丙纂輯

輿地志一

先王物土之宜而布其利疆理以定經界分星以觀妖祥建置以施政教上高處筠上游為郡西門戶舊稱形勝晉唐以來疆域分并廣袤不同名實互異我朝

重熙累洽法度紀綱周乎山澤凡邑之有關風政者皆以時俱備作輿地志首星野疆域而建置山川以次列焉

上高縣志

卷一

星野

一

星野

上高分野起南斗十三度四分有奇終南斗十三度六分有奇

按宋史天文志南斗六星南星者魁星也石申曰魁第一主吳二會稽三丹陽四豫章五廬江六九江南斗二十五度每一星得四度一分分之六有奇豫章起南斗十二度六分終十六度六分有奇以地理分之每百里得九分分之一有奇諸郡居瑞之首者三百六十餘里繼瑞之尾者一千二百

七十餘里瑞之分野起南斗十三度四分終南斗十四度四分有奇蓋合瑞郡三邑論也今專列上高以瑞東西廣二百五十里約數計之則當在三度六分有奇也

次舍上高次於星紀辰於丑位

按晉書自南斗十二度至須女七度爲星紀於辰在丑吳越分野屬揚州丑位卽星紀次舍斗牛二宿麗焉瑞州起南斗十三度則上高次舍當在星

紀

上高縣志

卷一

星野

二

麗屬上高麗北斗權星及三台司命星

按史記天官書二十八舍主十二州斗秉兼之雍屬魁星箕屬樞星兗青屬璣星徐揚屬權星荆屬衡星梁屬闔陽豫屬瑤光此以九州屬北斗也星有七而州有九何也并青於兗合揚於徐故七星可主九州也瑞屬揚州則上高當麗權星又按宋史云上台主兗豫下星主荆揚中台上星主梁雍下星主冀下台上星主青下星主徐上高又當麗上台之下星

占候主熒惑星五車星

史記天官書曰吳楚之疆候在熒惑占於烏衡按星經熒惑主揚州上高古揚州吳楚之地凡有災祥當占於熒惑之所經行又宋史天文志五車五星次東西一星曰司空主楚分驗五穀豐耗瑞州舊屬吳頭楚尾則占上高之五穀必於司空星焉○案從來星野之說有二一主地之方位言一主星之光氣言主地似乎有憑實失之固以氣相聯屬不繫方隅其說原於張衡王充暢於僧一行於

上高縣志

卷一

星野

三

理爲當然分星以觀妖祥必有驗爲得歷代占豫章應斗者十之五六應牛者十之二三而瑞舊志謂晉隆安水災麗牛有驗又考鄰壤豐城劍氣應在斗牛間萬載從袁志南斗牽牛之次謂在斗牛二星間豐與瑞連萬故筠轄尤與上高毗上高又安知不在斗牛間乎漢晉以來說者不一辯者亦皆無實證賈公彥曰受封之始歲星所在遂爲分野鄭夾漈曰諸國分星命以主祭二說可竝存之以祛後來之惑舊志依郡從晉志計度纂輯今

姑仍之而附是說以俟博雅君子

沿革

上高禹貢爲揚州之域春秋屬吳句踐滅吳屬越楚威王取越屬楚秦王翦滅楚建九江郡西漢置豫章郡分爲建城縣東漢中平間以汝南上蔡民徙建城析置上蔡縣晉泰康元年以蔡人懷土更名望蔡隋開皇九年併入建城唐武德五年壬午更建城爲高安卽其地置靖州復立望蔡八年江南安撫使韋季武奏廢州併入高安隸洪州中和間鎮南節度使鍾

上高縣志

卷一

沿革

四

傳以故望蔡居高安上游置上高鎮南唐保大十年易鎮爲縣宋太平興國七年割宣風義鈞二鄉之半屬新昌縣元至元二十二年以淮寧王出師有功詔擇高上之戶賚之執政謂上高適符其義因析八千戶良者置戶計長官司至治三年乃廢及至正十二年壬辰徐壽輝僞將陶九陷瑞州鍾普高據上高明年癸巳江西左丞火爾赤復瑞州遣鎮守張萬戶復上高仍爲壽輝將劉仁所據未幾劉仁以攻茶陵歿弟劉敬繼之壬寅明太祖兵討江西敬率眾臣附

已乃立上高縣屬瑞州隸江西等處承宣布政使司承平日久崇禎丙子闖賊據河南張獻忠據四川四方蠢動竊發者咸籍其部有土寇盧錦三嘯聚萬餘人恃天井窩爲巢穴擄掠民財出沒萬載漸及上高上官於九月遣董把總率兵進剿失機全師陷沒復於十月遣推官趙三薦監督柯陳兵復剿窩寇據險設伏柯陳兵未及對壘中伏敗歸土寇盧錦三等愈肆猖獗癸未冬張獻忠遣僞官王文直統賊入城據縣本縣士民陰結義勇數十餘人未待官兵到縣生

上高縣志

卷一

沿革

五

擒王文直等從北路解府而官兵則從南路至矣時官兵混戮居民數百餘人焚洗典舖延燒南城居民房屋數千餘間三百年來生聚付之灰燼至甲申年二月二十九日土寇盧錦三統賊萬餘縱火焚攻北門縣令張朝荃涖任七日守禦無備城遂破屠殺男婦五千餘人據城洗劫三日而去攻新昌時制軍袁繼咸開幕九江遣驛傳道巢崑源監軍督副將郭雲鳳統兵萬餘來剿兵從上高徑抵萬載而賊竟未平畱後營游擊管有韻鎮守自壬午窩寇蠢動嘯聚兵

來賊去兵去賊來經二十七次兩岸居民流亡殆盡
甲申我

大清定鼎窩寇就撫丙戌副總兵金聲桓師入豫章傳檄
瑞州上高縣令張朝荃率眾歸附戊子二月金聲桓
王苗毛據江西城叛郡縣震驚大將軍譚 恢復江
西已丑正月二十九日上高士民赴大將軍軍前投
誠歸順遂得安堵

按上高古名陽樂縣治在今城外北十里地名遶
城舖城圍故址猶存秦末族李斯以斯河南上蔡

上高縣志

卷一

沿革

六

人也併徙上蔡人安置各處其徙陽樂者入漢概
思故土求還鄉不許求更陽樂名爲望蔡許之於
是陽樂改爲望蔡而遷陽樂縣治於今城外西二
十里地名蒙安故址亦存及漢末望蔡人又願復
舊名因又復名陽樂旋省入建城尋以省入建城
不便仍析爲陽樂迨南唐謂陽樂縣治基址不佳
不如上高鎮彤勝就鎮改縣名上高焉舊志府志
載上高沿革稍異今考正之

彤勝

上高以地形高上得名 太平寰宇記

吳頭楚尾 洪駒父職方乘

金石口開丞相出鷓鴣洲合狀元生 唐司馬頭陀地

上高筠之屬邑介於山林之間 宋蘇轍學記

上高城周五里蜀江中巨爲關者四分峙水南北所

以嚴內外謹出入也 宋江湘重修城關記

上高治北而市南一溪自萬載發源合新昌水下注

高安 宋馮琦浮虹橋記

山川映帶秀麗如染 明黃景學詩

上高縣志

卷一

形勝

七

負敖峯迎錦水 明吳學詩正德書院記

蒙末二山分左右之面峙蜀川一水界南北之中流

舊劉志

府志上高八景 詳山川志詩見藝文

鏡山夕照

寶蓋朝嵐

末山鴈字

天嶺慈光

鷓鴣洲靈跡

蒙嶺奇雲

雲樓眺遠

章水觀魚

舊志八景

詳山川志詩見藝文

敖峯疊翠

末嶺晴雲

鏡山夜月

山湖夕照

蒙頂積雪

上高縣志

卷一

形勝

八

斜口秋風

錦水歸帆

鷓洲罷釣

疆域

東至高安縣傳橋界六十五里

西至萬載縣櫟頭界九十里

南至新喻縣橫坑嶺界三十里

北至新昌縣清水橋界一十五里

東南至清江縣界一百一十里

西南至分宜縣界一百二十里

東北至奉新縣界一百二十里

西北至義寧州界一百三十里

東西廣一百五十五里南北袤四十五里

東到瑞州府城陸路百二十里水路百六十里

東到江西省城陸路二百四十里水路三百六十里

東北到

京師陸路四千九十里水路五千一百四十里

鄉

上高縣志

卷一

疆域

九

義鈞鄉 在縣西二十里舊分上下鄉

感仁鄉 在縣 里舊分南北上下鄉

望蔡鄉 在縣 里舊分上下鄉

禮賢鄉 在縣 里舊分上下鄉

宣風鄉 在縣西六十里舊分上下鄉

千春鄉 在縣西八十里舊分上鄉北鄉

旌儒鄉 在縣南四十里

按邑自分五區即以區為鄉不復從舊

區團

五區五十二團百四十七畝舊志在城之團二計畝
十有七在鄉之團五十一計畝百五十八

按縣邑皆以都名上高獨以團名者宋靖康末李
成曹成亂岳武穆團聚鄉兵守禦以團名後遂沿
之

壹區 九團三十四圖

河北團 原四圖今析為九圖

河西團 計七圖在縣西十五里

崇本團 計二圖在縣西八十里

上高縣志

卷一

鄉團

十

廣安團 原分上下今止一團計二圖在縣西

北七十里

上京陂團 計二圖在縣西六十里

下京陂團 原五圖今四圖中京陂團今無在縣

西五十里

白土上團 計二圖在縣西南四十里

白土中團 計一圖在縣西南四十里

仁里團 原六圖今五圖即古皂里團在縣西

二十里

貳區 九團十九圖

欽仁團 原二圖今一圖在縣西九十里

後塘團 原七圖今五圖在縣西南八十里

白土下團 計二圖在縣西南五十里

上蔡團 計二圖在縣西南三十里

孝義團 原四圖今二圖在縣西南五十里

德義下團 原三圖今二圖在縣西南四十里

永平團 計二圖在縣西南一百里

益樂團 原三圖今二圖在縣西南一百二十

上高縣志 卷一

鄉團

土

里

百歲團 原二圖今一圖在縣西一百里

叁區 十二團三十五圖

河南團 原五圖今析為八圖在縣南

深村團 計四圖在縣南十里

黃村團 計三圖在縣南十里

蒙安上團 原四圖今三圖在縣南三十里

德義上團 原二圖今一圖在縣南三十里

勞松團 原二圖今一圖即舊勞松上團在縣

南二十里

忠義下團 計一圖在縣南三十里

蒙安下團 計三圖在縣南三十里

忠義上團 計二圖在縣南三十里

唐良團 原五圖今三圖在縣南三十里

南里團 計三圖在縣南五十里

北里團 計三圖在縣南五十里

肆區 十一團三十三圖

河東團 原五圖今四圖即舊勞松下團在縣

上高縣志

卷一

鄉團

十一

東十里

修仁團 原五圖今四圖在縣東三十里

舉子團 原五圖今四圖在縣北三十里

正全安團 原五圖今三圖即舊全安團在縣東

南三十里

辛義上團 計一圖在縣東北三十里

辛義中團 計一圖在縣東北三十里

辛義下團 原三圖今析為四圖在縣東北三十

里

義城上團 計三圖在縣東南五十里

義城下團 計五圖在縣東南四十里

全安上團 計三圖在縣東南二十里

全安下團 原四圖今一圖在縣東南二十里

伍區 十一團二十六圖

尉界團 計四圖在縣北十里

正西團 計一圖即舊安定西團在縣北十里

東團 計二圖即舊安定東團在縣北十五

里

上高縣志

卷一

鄉團

三

西團上 計一圖原三圖今缺一二即舊安定

西團在縣西北二十里

西團下 計一圖原三圖今缺一二按西團即

舊安定西團今并為西團上下在縣西北二十

里

寧泰團 計四圖在縣北五十里

樂城團 原三圖今二圖在縣東北三十里

景行團 計四圖在縣北四十里

葛步團 原二圖今一圖在縣北三十里

忠城團

計三圖在縣東北四十里

廣樂團

計三圖在縣東北四十里

街市

北市街

卽躍錦門大街

南市街

在桃李春風亭下大街爲江楚通衢

亭口街

在河南之西宋知縣江湘建關門

東門街

在北城

棋盤街

在北城

小東門街

在北城

上高縣志

卷一

街市

四

徐家渡街

在縣西四十里

團街

在南城

北門街

在北城

路口街

在東溪

界埠街

在界埠

新街

在北城

西門街

在學前

斜口街

在縣西五里

邊街

在縣西二里

洋田街 在崇本團

墟

正南墟 在縣南四十里

徐家渡墟 在下京陂壽塘下

河南墟 在春風亭下

界埠墟 在感仁鄉

凌江墟 在縣西十五里

釗田墟 在德義下團

江口墟 在蒙安下團

上高縣志

卷一

墟巷

五

水口墟 在縣南與新喻交界處

官橋墟 在縣東北寧泰團

巷

戴家巷 在河北

晏家巷 在河北

彭家巷 在河北

敖家巷 在河北

高家巷 在河北

傅家巷 在河北

丁家巷 在河南

廖家巷 在河南

昭文巷 在河南

荆湖巷 在河南

化龍巷 在河南卽魚巷

上高縣志卷之一終

上高縣志

卷一

墟巷

六